



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-1-40-096-2/23**
Datum: **12.04.2023. godine**

«Agencija za vodno područje rijeke Save» Sarajevo rješavajući po zahtjevu Ministarstva za poljoprivredu, šumarstvo i vodoprivredu Zeničko – dobojskog kantona za izdavanje prethodne vodne saglasnosti u postupku dodjele koncesije za izgradnju MHE «Kakanj» na rijeci Bosni, općina Kakanj, na osnovu člana 218. Zakona o upravnom postupku („Službene novine Federacije BiH“, broj 2/98, 48/99 i 61/22), **donosi:**

ZAKLJUČAK

Odbacuje se zahtjev Ministarstva za poljoprivredu, šumarstvo i vodoprivredu Zeničko – dobojskog kantona, za izdavanje prethodne vodne saglasnosti za izgradnju hidroenergetskog objekta MHE «Kakanj» na rijeci Bosni, u krugu TE Kakanj, općina Kakanj, jer nema uvjeta za pokretanje postupka.

Obrazloženje

Dana 10.03.2023. godine, Ministarstvo za poljoprivredu, šumarstvo i vodoprivredu Zeničko – dobojskog kantona, obratilo se ovoj Agenciji sa zahtjevom za izdavanje prethodne vodne saglasnosti u nastavku postupka dodjele koncesije na osnovu samoinicijativne ponude za izgradnju MHE „Kakanj“ na rijeci Bosni u krugu TE Kakanj, podnesene od strane JP «Elektroprivreda BiH» d.d. Sarajevo.

U prilogu zahtjeva za izdavanje prethodne vodne saglasnosti dostavljena je slijedeća dokumentacija:

- Zahtjev za izdavanje prethodne vodne saglasnosti za izgradnju male hidroelektrane „Kakanj“ na rijeci Bosni, broj: 05-26-5980-17/16 od 13.02.2023. godine,
- Rješenje Federalnog ministarstva poljoprivrede vodoprivrede i šumarstva broj: UP-II-11-21/2-159/22 od 22.10.2022. godine, kojim se uvažava žalba JP Elektroprivreda BiH d.d. Sarajevo izjavljena na Zaključak Ministarstva poljoprivrede šumarstva i vodoprivrede Zeničko-dobojskog kantona,
- Idejni projekat: „MHE Kakanj na rijeci Bosni, Opština Kakanj“ KNJIGA 01: PRIKAZ PROJEKTA i KNJIGA 19: EKONOMSKO-FINANSIJSKE ANALIZE, urađen 2021. godine, od strane „IG“ d.o.o. Banja Luka.

Uvidom u dostavljeni zahtjev i priloženu dokumentaciju utvrđeno je slijedeće:

- Agencija za vodno područje rijeke Save je 01.09.2022. godine donijela Zaključak o odbacivanju zahtjeva za izdavanje prethodne vodne saglasnosti za predmetni objekat, broj: UP-1/21-1-40-334-2/22 od 01.09.2022. godine,
- Ministarstvo za poljoprivredu, šumarstvo i vodoprivredu Zeničko – dobojskog kantona je donijelo Zaključak broj: 05-25-5980-11/16 od 09.09.2022. godine kojim se odbacuje zahtjev za dodjelu koncesije za izgradnju MHE Kakanj,
- Na navedeni Zaključak Ministarstva za poljoprivredu, šumarstvo i vodoprivredu Zeničko – dobojskog kantona, Investitor JP Elektroprivreda d.d. Sarajevo, je izjavio žalbu te je Rješenjem Federalnog ministarstva poljoprivrede vodoprivrede i šumarstva broj: UP-II-11-21/2-159/22 od 22.10.2022. godine uvažena žalba, poništen Zaključak Ministarstva za poljoprivredu, šumarstvo i vodoprivredu Zeničko – dobojskog kantona i predmet vraćen prvostepenom organu na ponovni postupak,

- Uvidom u sadržaj drugostepenog Rješenja utvrđeno je da treba ponoviti i postupak izdavanja prethodne vodne saglasnosti, te će se ovaj postupak nastaviti rješavati u okviru ranijeg spisa broj: UP-1/21-1-40-334-1/22 u koji će se uložiti i dostavljena dokumentacija dostavljena u predmetnom zahtjevu.

Iz razloga naprijed navedenog, ovaj organ cijeni da se o predmetnoj upravnoj stvari ne može ponovo pokretati novi upravni postupak jer će se o istoj upravnoj stvari odlučivati u ponovljenom postupku po preporukama drugostepenog organa i uvaženoj žalbi na zaključak broj: 05-25-5980-11/16 od 09.09.2022. godine.

POUKA O PRAVNOM LIJEKU:


Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- Ministarstvo za poljoprivredu, šumarstvo i vodoprivredu, ul. Kučukovići br. 2, 72000 Zenica
- ⊖ AVP Sava, ISV-vodna knjiga - ovdje
- Arhiva – ovdje
- Oglasna ploča AVP Sava